

DEO OPTIMO MAXIMO UNI ET TRINO, VIRGINI DEIPARÆ,
ET SANCTO LUÆ ORTHODOXORUM MEDICORUM PATRONO.

QUÆSTIO MEDICA,
QUODLIBETARIIS DISPUTATIONIBUS MANE DISCUTIENDA
IN SCHOLIS MEDICORUM, DIE JOVIS XIII. JANUARIi MDCCXVIII.

M. FRANCISCO MAILLARD, DOCTORE MEDICO, PRÆSIDE.

An Mulieres pluribus obnoxie morbis, quàm Viri?

HUMANÀ gens, etsi ratione superior cæteris animantibus, inferior tamen aliunde est, gravibribus jactata malis: Homini coævam ne putes causam tantæ calamitatis: Mortalium primus in lucem prodierat integer vitæ morbiq; purus, at suo vix recens à Conditore ruit per veritum nefas, divinæ Legis immemor, hinc ab origine degener, traditus morbis ac letho fuit, rebellionis suæ pœnas daturus; & (quod deplorandum magis) hæc unius Viri culpa Posteris omnes facit erantunt reos læsæ Divinitatis: Inde Hominum quisque tam multis adhuc plectitur agitudinibus, corporis, animi.

MULIER humanitatis pars altera, labis & antiquæ conscia, nunquid, ut Viro nocentior, sic & plures ad morbos damnata: Suos & alienos nonne patitur manes, cum virilia quæ contrahit mala, fœminis addit vitiis longè deterioribus? Procreat hæc vitia muliebri corpus de peiori luto fortè coagmentatum, alit & uterina colluvies, dum suppressæ Mensum vel Lochiorum feces in principum viscèrum lares sæpius importantur, unde tot affectus ~~consequuntur~~, tot strangulatus, viris ignoti, fœminis familiares. Quin & illæ mulierum fordes, si diutius in utero retentæ computruerint, hospiti suo quot infligunt ictus & plagas infanabiles: à quoque de causâ, Mulieres non paucas exhauriunt fluores albi, virulenti, rodunt alias ulcera, ~~maris virgines~~, quæ Mares haud attingunt.

QUAM variis insuper empta doloribus, quæ fœminæ graviditatem præcurrit, levis aura voluptatis: animi defectio, nausea, vomitio, nùm prima sunt fœtæ conjugis indicia? Reliquo gestationis tempore, ~~stomacho~~, stupore, ~~visceribus~~ propè funeratas urget adhuc Mulieres instantis labor puerperii, vel aborsus periculosisioris: Extant & prolis avidæ, quæ, dum prægnantis uteri pompâ gloriantur, molam parturiunt exuberantis fœturæ sanguinis, repetitâ vasorum depletionis præcavendam: Porro, secundi latices, quos ad infantis lactationem mammæ congerunt, si vitium ceperint, fœminis quid non portendunt mali? Planè, si qua virorum propria mulieribus olim pepererat agritudo, nunc in eas sævit vehementius, non mutatâ sexus naturâ, sed vitâ, quæ nostrates fœminas degeneres arguit à veterum temperantiâ: Quoties his illæ temporibus suâ de sanitate partum sollicitæ, per solidos dies totæ sunt in talis & alæ, vel nocturnis succumbunt comesationibus, quas impunè ferunt Viri Fœminis valentiores.

IRÀ demùm, mœror, ambitio, vindicta, desperatio, rariores autè leviores in viris, fragilem sexum cur frequentius, cur pluribus excruciant modis? Inconstantia pariter, quæ paucos cadit in Viros, omnium ferè Mulierum comes est & socia. An capropter tot hodiè Conjuges, Aulicæ, Plebeicæ, divortium meditantur, quæ nuper ambiebant innuptæ matrimonium? Suspicias è contrâ tenaces Connubii Viros, suâque forte contentos. Amor ipse, quem vituperare Sexui facilius est, quàm vitare, si parit Viris, quid non muliebria pectora cogit? E millibus unum furere vix audias amantem: è Mulieribus, quot bacchantur Veneris œstro percitæ? Rumpunt interdùm vincula vel durissima, tollunt & onera quibus sint impares Athletarum lacerati. Quamplures videas, quæ desipiunt ingeniosè, quæ flent, rident, miscent & ferâ jocis: aliæ (si populo fides) peregrinas effutunt ignotæ sibi linguæ voculas: Est ubi ferè jacent inanimæ, sine pulsû, voce, spiritu: Est ubi concutiuntur effrenatè, mox & horrendos jactant ululatus In-Viduis, in Virginibus, adeò stupendæ corporis & animi commotiones ad ~~delicias~~ si retuleris, te latet infana quid Fœmina possit: hæc portenta suscitât uterus, cui si denegaveris quod si tentioner appetit, novas ille faces accendit in præcordiis, turbat & loca, quæ frequentat animus. Interè quàm brevî concidunt Sexus imbellis vires, dum naturæ modum superare videntur: quàm fugax pulchritudinis ornamentum, quo superbiunt Mulieres: si tot illæ morbis, dilapsâ velut in cineres facie, misère deformantur. Nec minùs suum dedecorant sexum, quæ barbata, quæ villis hirsutæ vegrandi Clitoride Viros mentiuntur: Eas utroque sexu potentes ne credideris; vanum hoc & insolens virilitatis simulachrum morbus est Fœminarum gregi peculiaris. Reperias alibi nonnullas hæmorrhoidibus, pleuritide, simul & menstruo fluxu cruentatas: his discas ab ægotantibus, fœmineum sanguinem purgatione menstruâ non omnino defæcari. Viscæ quoque sunt in ætatulâ primâ puellulæ, quibus ab ipso matris ubere pendentibus ros quidam cruentus, statò tempore, stillavit ab utero: An luculento futuræ sterilitatis argumento? Fuerunt & adultæ Virgines, quibus per os, aures, oculos, papillas, digitos, uno quoque mense sanguis erumperet; quasi non expurgatus per loca muliebria, superis in partibus identidem luxuriaret, ibi vasa disrpturus: His ab affectibus si fuerint immunes Viri, si minùs multis, quàm fœminina gens, aliis urgeantur vitiis, quis dubitat uter sexus sit infirmior?

NE quæras igitur à Muliere, quæ valeat, sed ubi doleat, eoque magis quod fœminei corporis compages undique laxa est, mollis, & in vitium flecti cerea: fœtus in virili corpore, stat firma partium conjunctio, quas morbi vis haud facillè ferit. Quid quod, eadem si mali labes Virum simul & Fœminam semel invaserit, hæc cardius, ille citius ut plurimum convalescit: dispar hic exitus, aut à naturâ quæ vegetior in Maribus, aut ab arte Medicâ, cui plures confidunt Viri, quàm Fœminæ. Reverà, quot ægræ non ita pridem Mulierculæ, spretis fastidiosè remediis, interièrè. Cæterùm, si sanitatis vindex exercitatio, si morbus otiosiorum hominum commune stipendium est, rariùs ægotabunt Viri, qui frequentius exercentur: navigant, venantur, equitant æstare, hyeme, sustinent & bellî, vel togæ labores: sic effricem morborum causam fugiunt ignaviâ. Quàm diversâ Mulierum conditio! quæ tot salubria non dividunt cum Viris exercitia, sed in umbrâ parietum torpescit, eam sæpè colligunt humorum redundantium copiam, quæ vel exasperat ingenua Sexui mala, vel nova parit, vix ullis in posterum medicamentis eradenda.

Ergo Mulieres pluribus obnoxie morbis, quàm Viri.

DOMINI DOCTORES DISPUTATURI.

M. Franciscus Giot.
M. Franciscus Antonius le Dran.

M. Antonius le Moine Pharmacis Professor.

M. Petrus Antonius Lety.
M. Elias Col de Vilars.

M. Henricus Bèstier.



M. Franciscus Maillard, alius Præsi.
M. Petrus-Paulus Guyart, Regi Mutillarum Nosocomii Medicus Ordinaris.
M. Ludovicus Poirier, Antiquis Facultatis Decanus, Regi à sanctioribus Consiliis, Archiatrorum Comes.

Proponebat Parisiis GABRIEL-ANTONIUS JACQUES, Parisinus, Baccalaureus Medicus, A. R. S. H. 1718. à sextâ ad meridiem.